

# Jon

## ndê bapia tilu-nga

### Yom whê bapia dindéc sa-nga

Lau tiguauc daêsam sêsôm bu Jon, nañ Yisu ndê aposel dañ, nañ to bapia dindéc, magoc inñ sam dau bu 'ngac bata' dañ, ma to dau ndê ñaê dom. Inñ to bapia dindéc têtñ awhê dañ ti ndê balêkoc (1, 4-5), ma yêc bapia dau ñambu-nga, Jon kêtñ acsalô têtñ awhê dau akêtñ inñ dôwawê dañ ndê balêkoc (13). Lau daêsam gauc gêm bu yom pi awhê lu dinañ hêganônñ gôlôwac dabuñ toñ lû, ma yom pi inñlu si balêkoc, nañ hêganônñ lau sêkêtñ whiñ-nga nañ sêmbo gôlôwac dau ñalôm.

Jon to bapia dindéc tu puc ñac dôñ bu sêsap yom ñandô ma mêtê atac whiñ-nga dôñ. Inñ kêtñ puc ñac pi lau nañ sêndôhônñ yom tasanñ, nañ sêsêc yom ñandô pi Yisu ahuc, ma sêsôm bu Yisu inñ Anötö ndê Atu dom. Jon sôm têtñ lau sêkêtñ whiñ-nga bu sêmbo ahê lau kainñ dinañ hoñ.

#### *Jon gêm mbec lau*

<sup>1</sup> Aô ñgac bata dec, gato yom têtñ am awhê nañ Anötö kêyalinñ am sa su, ma têtñ am nem balêkoc. Yac hoñ dasap yom ñandô dôñ, ma tu dinañ-nga aô tac whiñ mac kêlêc. Aô tanwasênñ dom, lau hoñ nañ sênñyalê yom ñandô, nañ atac whiñ mac sêwhiñ. <sup>2</sup> Nahu bu yom ñandô yêc yac neñ ñalôm, ma oc yêc yac ñalôm ñapanñ. <sup>3</sup> Damañ Anötö lu inñ ndê Atu Yisu Kilisi si mwasinñ

ti tawalô ma yom malô whiņ yac lau naņ dasap yom űandô ti mêtê atac whiņ-ņga dôn.

*Yom űandô ma mêtê atac whiņ-ņga*

<sup>4</sup> Aö gatap mac nem balêkoc űatô sa, ma aö galic bu űac sêsa lêņ yom űandô-ņga sêņkuc yomsu naņ Damaņ Anötö kên têt yac. Tu dinaņ-ņga aö atac űayham atu. <sup>5</sup> O awê űayham, kwahic dec aö bu wateņ mac bu asap yomsu dau dôn űapaņ. Yac hoņ dakôc yomsu dau sa, têt ndoc yac dakêt whiņ tiwakuc. Ma bocdinaņ dec aö gato tôm yomsu wakuc dom. Ma yomsu dau bocdec bu, yac atac whiņ neņ asidôwai dandic űawaê. <sup>6</sup> Ma mêtê atac whiņ-ņga űahu bocdec bu, yac dasa neņ lêņ ti daņaņ wambu Anötö ndê yomsu. Yomsu dau mac aņgô têt ndoc mac akêt whiņ tiwakuc, ma yêc bocdec bu, asa nem lêņ ti asap mêtê atac whiņ-ņga dôn.

<sup>7</sup> Lau tasaņ daêsam sêmbo nom, naņ sêsôm bu Anötö ndê Mesaya meņ mbo nom ti űamalac űandô dom, ma bocdinaņ sêsêc yom űandô pi Yisu ahuc. Asa naņ sôm yom dinaņ, iņ tasaņ dinda ma Kilisi ndê űacyo. <sup>8</sup> Bocdinaņ ayob daôm űapep bu sêņsau mac e aso űandô űayham naņ mac am gwelen atu bu atap sa-ņga, naņ dom. Alhac űaņa, tu bu atap űandô dau sa. <sup>9</sup> Bu asa naņ kêdôhôn yom naņ so yom űandô pi Yisu Kilisi, naņ meņ akêt Anötö ndê dom. Magoc asa naņ sap yom űandô pi Yisu dôn űapaņ, naņ ti Damba ndê, ma ti Atu ndê gêt whiņ. <sup>10</sup> Asa naņ bu têt mac meņ, magoc êndôhôn yom űandô pi Yisu dom, naņ akôc iņ sa pi nem andu dom, ma akam iņ dom. <sup>11</sup> Bu asa naņ kôc űamalac kair

dinaŋ sa, naŋ wêkainŋ inŋ ndê gwelenŋ sac dinaŋ whinŋ.

*Yom ŋambu-ŋga*

<sup>12</sup> Yom daêsam yêc bu wakêŋ têtŋ mac, tigenŋ aö bu wato sip bapia dindec dom. Aö gakêŋ batanŋ bu wandic mac kêsi, goc danem yom-galôm aŋônŋ andô pitigenŋ. Ma boc-dinaŋ yac oc datisambuc. <sup>13</sup> Am dôwamwê naŋ Anötö kêyalinŋ sa yêc gameŋ dindec, naŋ ndê balêkoc sêkôm acsalô ŋayham têtŋ mac.

**Anötö ndê Yom Lêñsêm Wakuc**  
**Bugawac: Anötö ndê Yom Lêñsêm Wakuc New**  
**Testament**

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

---

PDF generated using Haiola and XeLaTeX on 21 Feb 2024 from source  
files dated 29 Jan 2022

1dcc5a6c-3c1e-54e8-aa77-af18a3782048